



Broj: A-44/21

Sarajevo, 15.02.2021. godine

Kantonalno tužilaštvo Kantona Sarajevo i Visoko sudsko i tužilačko vijeće Bosne i Hercegovine, zaključili su Memorandum o saradnji u zajedničkoj realizaciji projektnih aktivnosti u okviru projekta „Podrška pravosuđu Bosne i Hercegovine – Jačanje tužilačkih kapaciteta u sistemu krivičnog pravosuđa, faza 3“. Navedeni Memorandum članom 5. Predviđa angažman izvršilaca odgovarajućih kvalifikacija koji će pružati stručnu, administrativnu i drugu pomoć u rješavanju predmeta Tužilaštva, sve u cilju unaprijeđenja rada i smanjenja broja neriješenih predmeta iz ranijeg perioda; u skladu sa prednjim, Glavna kantonalna tužiteljica, objavljuje:

JAVNI POZIV
za popunu pozicija na određeno vrijeme u
Kantonalnom tužilaštvu Kantona Sarajevo

I - NAZIV I POZICIJA

1) Pravni saradnik – dipl. pravnik - 7 izvršilaca na određeno vrijeme

Opis poslova: Izrada sažetaka starih neriješenih predmeta sa osvrtom na poduzete radnje i prikupljene dokaze sa prijedlozima daljnjeg djelovanja, izrada nacрта pravnih podnesaka s ciljem donošenja konačne tužilačke odluke u predmetu, učešće u radnim sastancima koji su u direktnoj vezi sa postupanjima i konačnim rješavanjem konkretnih starih predmeta, obavljanje stručne i administrativne pomoći u svim ostalim postupanjima tužilaca iz djelokruga rada tužilaca i stručnih saradnika, kao i obavljanje svih ostalih zadataka po nalogu i instrukcijama postupajućeg tužioca, a sve u cilju završetka predmeta.

Uslovi: VSS diplomirani pravnik, najmanje jedna (1) godina radnog iskustva i poželjnim pravosudnim ispitom.

2) Saradnik (bez radnog iskustva)– 3 izvršioca na određeno vrijeme

Opis poslova: Pružanje administrativne pomoći i podrške tužiocima u rješavanju starih predmeta, kao i obavljanje svih drugih zadataka u cilju smanjenja broja starih predmeta u Tužilaštvu, kao i obavljanje drugih zadataka po nalogu postupajućeg tužioca.

Uslovi: VSS – diplomirani pravnik.

II – POTREBNI DOKUMENTI I ROK ZA PRIJAVU NA POZIV

Za ispunjavanje uslova iz oglasa, kandidati moraju sljedeće dokumente priložiti u originalu ili ovjerenoj kopiji:

1. uvjerenje o državljanstvu (original ili ovjerena kopija i da nije starije od 6 mjeseci)
(za poziciju I-1 i I-2),
2. Biografiju (CV)
(za poziciju I-1 i I-2),

3. Diplomu o završenom pravnom fakultetu (ovjerena kopija diplome ili uvjerenje o završenom školovanju); (za poziciju I-1 i I-2),
4. Uvjerenje da se ne vodi krivični postupak (**dostaviti će samo izabrani kandidat po završetku procedure**) (za poziciju I-1 i I-2),
5. Uvjerenje ili potvrda o radnom iskustvu (original ili ovjerena kopija) (samo pozicija I-1).

III – ADRESA ZA PODNOŠENJE PRIJAVE I ROK ZA PRIJAVU NA POZIV

Prijave sa dokazima o ispunjavanju uslova se mogu dostaviti lično ili putem pošte na adresu: Kantonalno tužilaštvo Kantona Sarajevo, ulica Radićeva broj 6., 71000 Sarajevo, sa naznakom „Prijava na javni poziv na poziciju (1. ili 2.) na određeno vrijeme“.

Rok za podnošenje prijave kandidata je osam (8) dana od dana objavljivanja javnog poziva na web stranici Kantonalnog tužilaštva Kantona Sarajevo, odnosno najdalje do 25.02.2021. godine.

Nepotpune i neblagovremene prijave neće se uzeti u razmatranje.

IV – DODATNE INFORMACIJE

Ugovorni odnos na određeno vrijeme (Ugovor o djelu) će se potpisati nakon provedenog postupka po ovom konkursu i na osnovu konačne odluke o izboru između prijavljenih kandidata, a ugovor će se zasnovati na period od 2 do 9 mjeseci, a trajanje će ovisiti o budžetu donatora; odnosno najdalje do 31.12.2021. godine, sa mogućnošću produženja ugovora, najduže za period trajanja Memoranduma o saradnji u zajedničkoj realizaciji projektnih aktivnosti u okviru projekta „Podrška pravosuđu u BIH – Jačanje tužilačkih kapaciteta u sistemu krivičnog pravosuđa“, faza 3.

Sa svim kandidatima koji ispune uslove predviđene ovim pozivom Komisija za izbor će obaviti prethodnu provjeru radnih sposobnosti – intervju, a sve u skladu sa internim aktima Tužilaštva, o čemu će kandidati biti obaviješteni telefonskim putem na kontakt telefon koji su kandidati dužni navesti u prijavi.

Rok za prijavljivanje je **8 dana** od dana objavljivanja oglasa na web stranici Kantonalnog tužilaštva Kantona Sarajevo. Neblagovremene i nepotpune prijave, kao i prijave kandidata koji ne ispunjavaju uslove, neće se uzeti u razmatranje.

Napomena za sve kandidate: Ukoliko kandidat podnese lažne dokumente prilikom prijavljivanja na konkurs, sa istim će biti raskinut ugovor o djelu.

GLAVNA KANTONALNA TUŽITELJICA



Sahina Sarajlija